


Saopštenje povodom objavljivanja tematske publikacije
„Najznačajniji nalazi i preporuke iz oblasti javnih nabavki u izvještajima o
finansijskoj reviziji
za 2022. godinu“

Ured za reviziju institucija u FBiH je na svojoj internet-stranici objavio tematsku publikaciju pod nazivom „**Najznačajniji nalazi i preporuke iz oblasti javnih nabavki u izvještajima o finansijskoj reviziji za 2022. godinu**“.

Publikacija rezimira najznačajnije nalaze koji su uticali na data mišljenja o usklađenosti u finansijskim revizijama 2022. godine i preporuke koje su date u cilju otklanjanja utvrđenih nepravilnosti i jačanja sistema internih kontrola.

Kako bi odgovorio na očekivanja društva, izazove i promjene u okruženju, Ured za reviziju pridaje veliku važnost svojoj preventivnoj i informativnoj ulozi, te u podizanju svijesti javnosti o utvrđenim nepravilnostima i nezakonitostima u radu javnog sektora, blagovremenim i javnim objavljivanjem svojih revizijskih nalaza.



Jasnim komuniciranjem svoje uloge i rezultata rada, osigurava se razumijevanje i podrška javnosti, građana i drugih relevantnih učesnika te stvara pretpostavke za veće efekte revizijskog rada. Također, unapređuje se sistem prevencije korupcije i drugih nepravilnosti i jača finansijsko upravljanje i kontrola.

S obzirom na to da se troše značajna javna sredstva na godišnjem nivou kroz postupke javnih nabavki, a da su one podložne prevarama i korupciji, zbog čega su ocjenjene visokim rizikom, Ured za reviziju je sačinio ovu publikaciju koja treba da služi u cilju jačanja transparentnosti i odgovornosti.

Sarajevo, 9. 1. 2024. godine